

REGOLAMENT PE CONCESSION DI CONTRIBÛTS DI SPINDI PE DOTAZION DI IMPLANTS SPORTÎFS E RICREATÎFS

Art. 1

Cjamp di aplicazion

1. Chest regolament al dissipline, daûr dal art. 37 de L.R. 09.03.1988 n. 10 "Riordinamento istituzionale della Regione e riconoscimento e devoluzione di funzioni agli Enti Locali"(Gnûf ordenament de Region e ricognossiment e devoluzion di funziions ai Ents Locâi) e dal art. 12 de Leç 07.08.1990 n. 241 "Nuove norma in materia di procedimento amministrativo e di diritto di accesso ai documenti amministrativi"(Gnove norme in materie di procediment aministratîf e di dirit di acès ai documents aministratîfs), lis modalitâts di concession dai contribûts di doprâ par comprâ implants di interès locâl o dut cês subprovinciâl, relativis a implants sportîfs e ricreatîfs.

Art. 2

Sogjets beneficiaris

1. A puedin gjoldi il contribût chescj sogjets: Comuns, un o plui associâts, Ents e Istituzions publichis e privadis, societâts e associazions sportivis e ricreativis, in regule e cence fins di vuadagn, Pro Loco e Consorzis fra lis Pro Loco.

Art. 3

Concession dai contribûts

1. Lis domandis di concession dai contribûts ogjet dal regolament a àn di rivâ a la Aministrazion provinciâl dentri dai 31 di Zenâr di ogni an insiemit cun:

- a) At constitutîf e Statût, dome se la Aministrazion Provinciâl no ju à za, o version inzornade, se a son stâts fats gambiaments,
- b) dome pai Ents Publics: at formâl dal orghin deliberant che al fâs buine la domande,
- c) relazion che e ilustre ce che si vûl fâ cui implants in riferiment a la ativitât davuelte de associazion,
- d) preventîf di spese.

2. Se lis domandis a rivin par raccomandade, il rispjet dal tiermin lu prove il timbri de pueste, simpri se la raccomandade e rive dentri dai cuindis dîs dopo che al è scjadût il tiermin. Se la domande si puartile a man, o si mandile cul corîr, il rispjet de scjadince lu prove il timbri di acet dal protocol de Aministrazion provinciâl.

3. Lis domandis che a rivin fûr dai tiermins fissâts tal come 1 no vegnin consideradis.

4. Se la documentazion no je complete, la Aministrazion e domande di integrâle te comunicazion di inviament dal procediment aministratîf. Il tiermin dal procediment al reste sospindût fin che no vegnin presentâts i ats integratîfs demandâts. Se no rivin dentri di 30 dîs dopo de domande, il procediment si siere e la domande no ven acetade.

Art. 4

Tipologjîs di intervent ametudis a contribût

1. Si ametin a contribût lis domandis di acuist di implants che a vedin a ce fâ dome cun chestis dissiplinis sportivis o ricreativis:

- a) implants sportîfs: balons, rêts, zeis di basket, bersais, ostacui, çoncs, tapêts, tatamis, bicicletis e lôr components, patins e vie indenant,
- b) materiâl sanitari: borsis di pront socors, medisinis e altri,
- c) implants di meti in spazis sierâts o vierts che a vedin a ce fâ cu la ativitât de associazion: bancjis, taulis, cjadreis, scrivaniis, armarons, gazebos, cjasutis di len, tribunis, paveons, ombrenons, zûcs, librariis, schedaris e altri,

- d) implants informatics: ordenadôrs, visôrs, tastiere, surîs, scansionadôr, cassis audio, stampant, fax, lavagne luminose, fotocopiadore, proietôr e altri,
 - e) implants pe cusine: machinis par fridi, lastris, contignidôrs par aliments, cjacis, pironis, curtîs, padielis, pignatis, guantieris e altri,
 - f) eletrodomestics: frigorifars, glaceris, aspiradôrs, laveblancjariis, machinis a pression pe pulizie cu l'aghe, suidoris, microondis, gas e altri,
 - g) celulâr,
 - h) mieçs di trasport: furgon, coriere, aeromobil, barcjie e altri,
 - i) implants pe furnidure di energjie: cjalderie, gjeneradôr di eletricitât, stuis, termosifons e altri.
2. No vegnin ametûts a contribût chescj implants o imprescj:
- a) divisis, borsis, scarpis di zûc e altri,
 - b) implants audio, implants di riscjaldament e altri,
 - c) implants no leâts par fuarce al davuelziment de ativitât.
3. La semplice presentazion de domande no da dirit a vê incentîfs, nancje se a son i requisîts sogjetîfs e ogjetîfs prescrits.

Art. 5

Erogazion e rindicontazion dal contribût

1. Il contribût al ven erogât daûr de presentazion, a titul di rindicont, di une o di plui faturis in originâl, cul lôr paiament, relativis al an di concession dal contribût.
2. Lis faturis a van presentadis dentri dai 31 di Març dal an dopo di chel che al è stât dât il contribût.
3. Te spese ametude a contribût e je comprendude chê che il beneficiari al paie a titul di svindicazion, in dipendence de aplicazion de IVZ.
4. Il contribût nol pues superâ l'80% de spese paiade.

Art. 6

Devoluzion dal contribût

1. I beneficiaris a puedin, se a pandin lis lôr resons, domandâ la devoluzion dal contribût par cjoli altris struments che ur coventin pe lôr ativitât.

Art. 7

Revoche dal contribût

1. Il contribût al ven revocât se:
 - a) il beneficiari nol à presentât lis faturis di acvist dentri dal mêis di Març dal an dopo de concession dal contribût,
 - b) il beneficiari nol à comprâts implants di destinâ a la ativitât tal cors dal an di concession dal contribût.

Art. 8

Jentrade in vore

1. Chest Regolament al jentre in vore a partî de date che e devente esecutive le deliberazion di aprovazion buride fûr dal Consei.
2. Par ce che nol trate chest Regolament, a valin lis disposizions di leç in vore in materie.